

المشكال

س ١ ٢ ٣ ٤ ٥ ٦ ٧ ٨ ٩ ١٠ ١١ ١٢ ١٣ ١٤ ١٥ ١٦ ١٧ ١٨ ١٩ ٢٠ ٢١ ٢٢ ٢٣ ٢٤ ٢٥ ٢٦ ٢٧ ٢٨ ٢٩ ٣٠ ٣١ ٣٢ ٣٣ ٣٤ ٣٥ ٣٦ ٣٧ ٣٨ ٣٩ ٤٠ ٤١ ٤٢ ٤٣ ٤٤ ٤٥ ٤٦ ٤٧ ٤٨ ٤٩ ٥٠ ٥١ ٥٢ ٥٣ ٥٤ ٥٥ ٥٦ ٥٧ ٥٨ ٥٩ ٦٠ ٦١ ٦٢ ٦٣ ٦٤ ٦٥ ٦٦ ٦٧ ٦٨ ٦٩ ٧٠ ٧١ ٧٢ ٧٣ ٧٤ ٧٥ ٧٦ ٧٧ ٧٨ ٧٩ ٨٠ ٨١ ٨٢ ٨٣ ٨٤ ٨٥ ٨٦ ٨٧ ٨٨ ٨٩ ٩٠ ٩١ ٩٢ ٩٣ ٩٤ ٩٥ ٩٦ ٩٧ ٩٨ ٩٩ ١٠٠

والله يهدي من يشاء الى صراط مستقيم ديني ، علمي ، ادبي ، سياسي هفته لق مجموعة اسلاميه در
اتبعون اهدكم سبيل الرشاد

صاحب ومدير مسئول : ح . اشرف ادیب

عدد ٣٧ - ٢١٩ ٥ ذی الحجه ١٣٣٠ پنجشنبه ١ تشرين ثاني ١٣٢٨ جلد ٢ - ٩

خُطْبَةُ وَاعِظٍ

توبه مسلمانان و اردو خطابه

بسم الله الرحمن الرحيم

انفروا خُفَاةً وَثِقَالاً وَجَاهِدُوا بِأَمْوَالِكُمْ وَأَنْفُسِكُمْ فِي سَبِيلِ اللَّهِ؛
ذَلِكُمْ خَيْرٌ لَّكُمْ إِنْ كُنْتُمْ تَعْلَمُونَ

ترجمہ سی

ای اہل ایمان! کسب، اختیار، فقیر، زنکین، صاغلام،
خستہ، ساحلی، ساحسز، بنکلی، بینکسز، اولی، بکار...
ہیکز چیقک ذہ اللہ اوغورندہ، «دین» لہ، وطنک محافظہ سی
ایچون مجاہدہ ایدک؛ بوصورتلہ اوغراشوق، اگر بیایور -
سہ کز، سزک ایچون دورمقدن خیر لیدر .

بوآیت کریمہ سورۃ توبہ منسوبدر، انسان قرآن کریمہ نظر
امعان وبصیرتہ بقارسہ اوندہ کی ہرکہ ارباب عقولی حیرتہر ایچندہ
براہہ جغی، ہم نظمی، ہم مدہ معناسی معجز اولدیغی تصدیقہ مجبور
اولیور؛ بوآیت کریمہ دہ کی «خفا»، و «ثقالاً» کلمہ لری بو موقعہ
اولہ مدہش بر معنا افادہ ایدیورلرک بونلرک یرینہ ہرہانکی بر کلمہ
کترلسہ قابل دکل بو معنای افادہ ایدہ من۔ بونک ایچوندکہ مفسرین
عظام حضراتی بونلرک احتوا ایتدیکی معانی جلیہ بی تعیین ایتک
خصوصندہ پک بیوک مشکلات قارشوسندہ بولنیورلر؛ بعضیاری
«شباباً وشیوخاً» دیہ تفسیر ایدیور، بعضیاری «فقراء و اغیاء»
دیہ؛ بعضیاری دہ «رکباناً و مشاة» ایلہ بر قسمی «نشاطاً و غیر نشاط»
«صحاحاً و مراضاً»... دیہ تفسیر ایتشلردر۔ بناءً علیہ بونک ہپسنی
طوبلایہ جق اولورسہ ق کسب اختیار، فقیر زنکین، حیوانی حیوانسز،
صاغلام خستہ، ساحلی ساحسز، اولی بکار، اہل عیالہ باقہ جق
کیمسہ اولسون اولسون ہرکسک اوزرینہ جہادک فرض اولدیغی
کورورز .

معلومدرکہ بوآیت کریمہ «تبوک» محاربہ سندہ نازل اولمشدی .
سبب نزولی دہ شو صورتلہ ایضاح ایدیور .

حضرت پیغمبر صلی اللہ علیہ وسلم مکہ مکرمہ بی فتح ایتدکن
صوکرہ ایدی کہ بیزانسلیار ایلہ خرسقیان عربلرک سورہ حدودندہ
عسکر طوبلادقلری و بونلرک ہراقلیوسک قومانداسیلہ مدینہ طوغری
ہجوم ایدہ جکلری خبری اشاعہ ایدلمشدی؛ بونک اوزرینہ مسلمانلر
جہاد ایلہ امر ایدلدی . حال بوکہ اوزمان مسلمانلر پک یورغون،
صیجاقلر غایت شدتلی، وقت طار، دشمن پک چوق افرادہ مالک
اولدیغی حالہ مسلمانلر پک آز، کذلک ارزاق خصوصندہ غایت

کوجلک چکہ جکلر ایدی؛ بونکلہ برابر مدینہ نکدہ تام یشایہ جق
برزمانیدی . شو تعداد ایتدیکمز اسبابدنطولای مسلمانلر مدینہ دن
چیقوبدہ اوزاق یرلرہ محاربہ کیمہ کی پک ارزو ایتدیلر . بونک اوزرینہ
«یا ایہا الذین آمنوا مالکم اذا قیل لکم انفروا فی سبیل اللہ انا قلتم
الی الارض؛ ارضیتم بالحیوة الدنیا من الآخرة فما متاع الحیاة الدنیا
فی الآخرة الاقلیل . الاتنفروا یعذبکم عذاباً الیماً و یستبدل قوماً
غیرکم ولا تضرہو شیئاً؛ واللہ علی کل شیء قدير . = ای اہل ایمان!
سزہ نہ اولیور کہ؛ اللہ، دین، وطن اوغورندہ دشمنلریکزلہ
مجاہدہ فوشوک ذیلدیکی وقت کیتمکدن امتناع ایدیورسکز؛
دشمن ایلہ جاریشوق ایتیمیورسکز؛ یوقسہ حیات دنیا بی،
اذواق فالیہ بی حیات آخرتدن، نعم سرمیدہ دن زیادہ سی
سویورسکز؟! اگر بولہ ایسہ بیادش اولوک کہ آخرت نعمتلیرینہ،
حیات اخرویہ نسبتلہ؛ دنیا نعمتلیری، حیات شخصیہ ہیچ در .
اگر سز، دشمنلہ محاربہ، مجاہدہ ایتمکدن قاجارسہ کز اللہ دنیا
و آخرتدہ سزہ پک بیوک عذاب ایدہ جکی کی، صاحب اولدیغکز
مملکتلیر دہ سزدن آلوب بشقہ بر ملتہ ویرر . ہم دہ بو - مملکتک
سزدن چیقوبدہ بشقہ سنک الہ کیمہ سی - نہ اللہ، نہ پیغمبرہ ہیچ
ضرر ویرمز؛ بلکہ ضرر و زیاتی ینہ سز چکرسکز . بردہ شوراسنی
آی بیلککز کہ؛ اللہ ہر شیئہ قادردر .»

ایشتہ «انفروا...» آیت کریمہ سی دہ بو وقت نازل اولدی . برنجی
ایتدہ حربدن قاجانلر یالکرتہد ایلہ اکتفا ایدیور . «انفروا...»
آیت کریمہ سندہ ایسہ طوغربدن طوغریہ ہرکسک جہاد ایتسیلہ
امر اولیور . اولجہ محاربہ کیمہ کدن چکینانلر بوآیت کریمہ لرنازل
اولدقن صوکرہ اسلامیتک اغتلائی شان وشوکتی ایچون اموالی
صانارق اعانہ ویرمش، بوصورتلہ اون بیک سواری، یکر می بیک
پیادہ واون بیک دوہ جمعہ موفقیت حاصل اولمشدی . حضرت پیغمبر
بو قوتی جمع ایتدکن صوکرہ آرقہ سندہ یشیل براباس اولدیغی حالہ
اردونک سردارغی درعہ دہ ایدرک یولہ چیقمشدی . فقط یولہ
آتشین روزکارلردن، بی پایان چوللردن، تحملسوز بر حرارتدن،
یا قیچی بر صوسزلقدن باشقہ بر شیئہ تصادف ایدلمشدی . رسول اکرم
مجاہدینک شوق وغیرتی تحریک ایدرک (تبوک) قدرککش، دشمندن
- قورقوسندن کیرویہ دونوب قاجدیغی ایچون - اثر بیلہ کورولمینجہ
(جربا) (ازرح)، (ایلہ، آیلات) و (دومۃ الجندل) شہر لریخہ تحت
تابیتہ آلمشدی .

شمی آیتک بوصورتلہ نزولی و بونی متعاقب اصحاب کرامک
اموالی صاتہرق محاربہ قوشملری کوستریورکہ مجاہدہ ایجابندہ
بتون افراد ملت اوزرینہ فرض عیندر، بناءً علیہ آیت کریمہ یہ منسوخ
دیہک حاجت یوقدر .

کرچہ جہادک فرض کفایہ اولانی دہ واردر، بعضیاریک
محاربہ کیمہ سیلہ جملہ سندن ساقط اولور، جہادہ اشتراک

ایتمه نلر کنه اکار اولمازلر سده بو ، دشمنك بلاد مسلمینه تعرض ایتمه مسیله مشروطدر ؛ فقط دشمن بلاد مسلمینه تجاوز ، اوراسنی فتح واستیلا ایدرسه او زماندن اعتباراً کره ارضده بولنان بتون مسلمانلره جهاد بالاجماع فرض اولور ، بناءً علیه بونی ایفا ایتمه نلر حضور رب العالمین ده مسئول ومعاتب اولورلر . بو کون هر مسلمان ، « دین » نی ، عرضنی ، ناموسنی محافظه ایتک ایچون میدان مجاهدهیه آتیلماق لازمدر ، بالفی سلاح آلهرق محاربه میداننه کیتمهک مقتدر اولانلر بالفعل محاربهیه کیرملی ، بدنأ مجاهده ایتمهلی ؛ بوکا قادر اولیانلر مالاً معاونتده بولمهلی ، هم مالاً هم بدنأ مجاهدهیه مقتدر اولانلر هر ایکسیسنی ده یایمهلی ، بونک هر ایکسینده قادر اولیانلر قلمأ ، فکرأ مجاهده ایتمه لیدر ؛ حاصلی افراد اسلامیه وعثمانیه نك هر بریسی کوچی یتدیکی قدر ، التدن کلدیکی صورتده مجاهده ایدرك صوك نفسه قدر صبر وثبات کوسترمك اوزرلرینه قرضدر . بو آنده هیچ کیمسه طرفندن سرد ایديله جك معذرت جای قبول بوله ماز . « جاشدوا المشرکین با موالکم وافسکم والسنتکم - الحدیث »

ای معشر اسلام ! سز سویلیک ! اللهی ، پیغمبری ، حضرت قرآنی قارشمه آلدیغمز وقت ؛ آنا ، بابا ، اولاد ، قاردهش ، مال واملاك کبی شیرك « هیچ » دن بشقه نه کبی بر موقعی اوله بیلیر ؛ بوکون دشمنلرمز قرآن کریمی آیاقلر آلتسه آلمق ایچون وطن مقدسمزه بر صولت عقورانه ایله هجوم ایتمش ، وار قوتيله ایلرلك ایستور ، اگر معاذالله وطن کیدرسه ، مقبره اسلامی قره یوزلو دشمنلر چزمه لریله چیکنر . لرسه ، او زمان دین قالیرمی ، اسلامیت پایدار اولورمی ؛ کعبه معظمه من اولان جامعلرمز ، مدرسه لرمز ، مکتبلرمن محو وبریشان اولدقدن ، کوزلرمزك اوکنده کیمیسی تیاترو کیمیسی میخانه . کیمیسی کلیسایه ، مشیخت اسلامیه مزده کیم بیلیر نه یه قلب اولندقدن ؛ او ، بزم سجده کاهمز اولان منبرلرده ، آبدستسز کیرلسنی تجویز ایتدیکمز مقدس مقاملرده دانس ایدلدکدن صکره می کوزلرمز آچه جغز ؛ اوزمان آچسه ق بیله نه فائده حاصل اولور ؟

اوزمان یوز بابامز ، بیسک قرده شمز ، یوزلرجه اولادمن ، صاییسز قوم وقیله من ، میلیارلرجه ثروت وسامانمز اولسه قاچ پارهلق فائده تأمین ایده بیلیر ؛ الك مقدس ، الك عزیز اولان « دین » ک ، جوهر ناموسک پامال تحقیر اولدقدن صکره یشامه نك نه فائده سی اولور ؛ بوکون زواللی بلغارستان مسلمانلرینك باشنده کی قانلی فلاکتلی کچیرمکده اولدقلری وخیم دقیقه لری کور میورمی بز ؛ ایشه بونک ایچون بو آیت کریمهیه دقت ایتمه لی ، بیلنلر بیلیمیانلره بونک معناسنی ا کلا تملی در !

ای اهل اسلام ! بیلمش اولک که : برملتک وطنی محو اولدقدن صوکره یواش یواش دینی ده الدن کیدر . بونک ایچون حضرت پیغمبر باقکمز

ای اهل اسلام ، ای معشر مسلمین !

المزی وجدانمzk اوسته قویارق شوآیت کریمهیه دقت ایدلم ، بوقانون السینك معناسنی دقتله تأمل ایدلم ! چونکه بونص ازلی ، بابا ، اولاد ، قردهش ، قادین ، قوم وقیله ، مال ، تجارت ومسکنه

ای اهل اسلام ، ای معشر مسلمین !

نه بیوریور : « حب الوطن من الايمان - وطنی سومك ايماندر ؛ ايماندر بر جزو در . » فقط وطنه محبت ايتك ، اغزدرن « وطنی سويورم » ديمكله اوله ماز ؛ قوری قوری به « وطنه محبت وار » ديمكله حب وطن اولدینی تصدیق اولنه ماز . چونكه معلوم اولدینی اوزره ايمان « اقرار باللسان ، تصدیق بالقلب » دن عبارتدر . بناءً عليه قلبنده ايمان اولمیان کیمسه نك لساناً کلمه شهادت کتیره سنده اهمیت یوقدر . مادامكه رسول اکرم افندمر وطنه محبتی ده ايماندرن جزو قلیور ، شو حالده وطنی سومك يالکزر لساناً وطنه ، مملکتی محبت وار ديمكله اولماز . بلکه قلباً وطنه قارشی محبت بسله مك ، وطن حسنی قلبنك الك درین کوشه سنده محافظه ، وبوصورتله وطنی هر درلو تعرضدن وقایه ايتك ، هر نه صورتله اولورسه اولون دشمنك تجاوزینه میدان ویرمه مك وبونك ایچون هر درلو اسباب مدافعه یی حاضر لاق وبالفعل مدافعات وطنیه ده بولنق ایله اولور .

ای اخوان دین !

بزم ایچون ايماندرن دها عزیز ، ايماندرن دها بیوک ، اوندن دها قیمتی برشی وارمی ؟ ظن ایدرسه « وار » دیه جک بر مؤمن تصور اولنماز . چونكه حقیقه مؤمن کامل اولان کیمسه دنیا ده انجق « دین » ی ، عرضی ، ناموسی ایچون یشار . اونك اوغورنده هر درلو فدا کارلنی ، اولومی کوزینه آلیر . دینه ، عرضه ، ناموسنه قیل قدر لکه کله مک ایچون کندی حیات شخصیه سنی ، اوز اولاد لرینی ، قیمتی مال لرینی فدا ایدرده ینه قلبی مسرور اولور . بناءً عليه وطنه قارشی بسله مش اولدینی محبت ده بونستنده اولق لازمدر . چونكه جناب پیغمبر وطنی اوقدر تقدیس ایتمشلرک : وطنه محبت ايتك ايماندرن جزو در دیمشله ؛ وطنه محبت ايتك دینك اعظم رکنی اولان ايماندرن جزو اولدینی سوکیلی پیغمبر مزبزه خبر ویررسه آرتق حقیقه مؤمن ، تام معنا سیله مسلمان اولانلر ، قلبنده ایمان قوتی ؛ الله ، پیغمبر عشقی اولانلر وطنی محافظه اوغورنده مائی ، اولادینی ، حیاتی فدا ایتمکدن نیچون چکینسلر ؟

ای جماعت اسلامیه !

بزم مسلمانلرجه پک قیمتی اولان « دین » مزی ، عرضی ، ناموس مزی محافظه ایدجک برشی وارسه اوده انجق وطندر ؛ وطن سلامتده اولورسه ، وطنه دشمن تجاوز ایدمه مزسه ، وطنی قره یوزلو دشمنلر پیس ، ملوث آیاقلریله کیرلته مزلرسه سوکیلی ، هرشیدن قیمتی اولان « دین » مزده سلامت بولور ، عرض و ناموس مزده تجاوزدن مصون قالیر .

ای مؤمنلر !

حسن وطن حقنده بشقه برشی ملاحظه ایتمکه حاجت یوقدر ، بزم يالکزر شوحديث شریفك معنای منیفی تمامیه آکلامغه چالیشمالی یز ؛ چونكه الك عزیز ، دنیا و آخرتده بزی سعادت ایردیره جک یکانه اعتماد واعتقاد ایتدیکمز برشی وارسه اوده ايماندر . حب وطن ده شو عزیز

ایماندرن بر جزو در . شو حالده بوحديث شریف صراحة کوستریورکه : وطنی حایه و محافظه اوغورنده نه درجه چالیشه جق اولورسه جق ایمان مزی ، دین مزی ده اونسبتده قوتلشدیرمش اولورز . بوا یسه سعادت دنیویه و اخروی مزی حایه ديمك اوله جفنده اصلاً و قطعاً شبهه یوقدر . بناءً عليه اللهی ، پیغمبری ، دینی ، ایمانی ، عرضی ، ناموسی سوء نلر بوکونکی کونده وطنك سلامتی ایچون هرشی ، حتی حیاتی بیله فدا ایتمکدن چکنمه ملیدرلر . بونك عکسنه اوله جق هر بر حرکت دینسز لکدن ، الله قارشی عصیان ایتمکدن بشقه هیچ برشی دکدر . چونكه وطن پارچه پارچه اولوب دشمنلرک قوجاغنه دوشرسه ایشته اوزمان نه « دین » قالیر ، نه « ایمان » ، نه عرض قالیر ، نه ناموس ؛ بلکه هپسی دشمنك چیزمه سی آلتنده محو اولور کیدر . زیرا دشمنك وطن مزه هجوم ایتمکدن باشلیجه مقصدی دین اسلامی محو ایتمکدر .

بتون دشمنلر مز بو غایه یی تعقیب ایدیورلر . شمدی به قدر قاچ دانه اسلام حکومتی محو ایدیش سه هپ بوفکرک قربانی اولوب کیتمشلر در . صوک زمانلرده خلافت اسلامیه نك یکانه ممثلی عثمانی حکومتی اولدینی جهتله دشمنلر مز وار قوتلریله اونك اوزرینه هجوم ایتمکه باشلادیلر ، اوروپادن ، افریقادن چیقارلمسینه قرار ویردیلر . بو قرار نتیجه سی اوله رق شمدی به قدر اوروپانك بر چوق یرلرندن سوروب چیقاردقلری هر کسک معلومیدر . ینه بوقرارک نتیجه سیدرکه افریقا - دن ده چیقارلمق اوزره کچن سنه غیر مشروع بر صورتده ایتالیایی اوزرمزه صالیدر دیلر . افریقاده عثمانی حکومتی نهایت ویردکاری کبی اوروپاده کی قالان یرلری ده المزدن آلمق اوزره درت دانه کلای ، اوزرمزه هجوم ایتدیر دیلر . اوروپا لیلرک عثمانیلری افریقا و اوروپادن چیقارمقدن مقصدلری يالکزر توسیع اراضی ایتمکدر ظن اولنمسون ، اونلرک الك برنجی املاری اسلامیتی محو ايتك ، قرآن کریمی آیاقلر آلتنه آلمق ، کعبه معظمه یی خاک ایله یکسان ایتمکدر .

بونی اکلامق ایچون و قتيله هر بریسی بر اسلام مملکتی اولوب الیوم تثنایک پای قهری آلتنده ایتکیل ایتکیل اسلام مملکتلرینه عطف نظر ايتك کافیدر ؛ و قتيله یوزلرجه ولایتی مشتمل اولان اندلس دولت اسلامیه سی بوکون نروده ؛ او قوجه اسلام مملکتک یرنده بوکون قاچ دانه اسلام وار ؟

بروقتلر آلتیوز جامع شریف ، بش یوز خسته خانه ، سکز یوز مدرسه یی احتوا ایدن و دولت امویه اسلامیه نك پایتخت معلاسی اولان قرطبه شهرنده ، غرناطه ده بوکون قاچ دانه اسلام وار عجبا ؛ حالبوکه اندلسک تسلیمی کونی بیله « غرناطه » شهرنده اوچ میلیون نفوس اسلامیه بولندینی تاریخاً مضبوطدر .

ای مسلمانلر !

بو قدر جامعلر ، بو قدر مدرسه لر ، میلیونلرجه مسلمانلر نه اولدی بیلور میسکمز ؟ او بزم آبدستسز بیله کیرمکه حیساً ایتدیکمز جامعلر کلیسایه ، تیاتروییه ، میخانه یه تبدیل ایدیلدی ؛ او قدر مدرسه لر حیوان

ایچون بو قدر اجرا ایدیلن حقسزلقلردن عبرت آلمازسه ق ملت اسلامیة نك آتیسندن قورقورلور ، بر سنده نبری مهم بر مملکت مزه هجوم ایدن بردشمن ایله مردانه چاریشدیغمز حالده نتیجه سنده - عون صمدانی ایله هیچ ده مغلوب اولدیغمز حالده - افریقادن چکیلمه مزه قرار ویرلدی . بونی متعاقبده اوروپادن چیقمه مزه ویریلن قرار موقع تطبیقه قونولق ایستیور !!

فقط امین اوایکیز که : اکر حکومت عثمانیه نی اوروپادن چیقاراجق اولورلر سه اوزمان آسیاده ده براقازلر ، معاذالله اسلامیت ده محو اولوب کیدر . چونکه بو دفعه اوروپادن چیقمه مزه نك وخیم بر تهله کی موجب اوله جق ، بو عادتاً اسلامک اندلسدن چیقارلملرینه بکزمه جکدر اوزمان ده اسلاملری چیقاران فریدیناند نامنده بر کافر بی دین ایدی . بناء علیه بو کون اوج یوز آلتش میلیون نفوس اسلامیة نك حیاتی تحت تهله کده بولنیور ، اونلرک هپسی عثمانلی مسلمانلردن امید نجات بکیورلریدی . ایشته بونک ایچوندرکه : اوروپالیلر ده عثمانیلری محو ایتکه چالیشیورلر . چونکه بر کره عثمانلی بایراغی آرادن قالدقدن صوکره عالم اسلامک تام معناسیله امید کیسیله جکی شبهه سزدر . حتی انکلز غزته لری بیله عثمانیلری محو ایتدکجه هندستان مسلمانلرینک امید کیسیلمز ، انکلتره حکومتته منقاد اولمازلر دیه علناً مقاله لر نشر ایدیورلر . ایشته بونک ایچوندرکه بوشانلی بایراغی قوتلشندیرمه چالیشان قهرمانلرک ناملری قیامته قدر تاریخک اک پارلاق صحیفه لرنده باقی قاله جقدر .

ای عثمانلی مسلمانلری !

بو دالمش اولدیغمز فنا اویقودن نه زمان اویانه جغز ، آرتق یتز ! بز عثمانیلر نظر انتباهی آچلی یز ! هیچ اولمازسه ماضیمزدن ، تاریخمزدن عبرت آلهرق روح پاک اسلافدن محجوب اولملی واسی مظهریت می کوز اوکنه کتیرمه لی یز ! بیلیرکه بو وطن عثمانینک هر آوچ طوپراغی بیکلرجه شهدا قانیله یوغرولمشدر . هپ فتح ایتدیگمز یرلر جان بهاسنه در ، شمدی خانقانه ، مسکینه ایدی اعدایه تسلیم می ایده جکمز ؟ ...

ذاتاً اعلاى کلمه الله ایچون ، دینک ، وطنک محافظه سی ایچون مالزی جانمزی فدا ایده جکمز دائر جناب حق بزدن وعد المادیمی ؟ « ان الله اشترى من المؤمنين انفسهم واموالهم بان لهم الجنة یقاتلون فی سبیل الله فیقتلون ویقتلون وعدا علیه حقاً...! » آیت کریمه سی بو یولده ویرمش اولدیغمز وعدی کوسترمیورمی ؟ آلمزده ، اویمزده بولنان کتاب مقدسده بو کبی آیات کریمه نی هر کون کوروب ایشیدرکن ، او کتاب مقدس بزلره خطاباً : مسلمانلغی محافظه یه چالشمدکجه ، آنی دشمنلرینک تجاوزندن قورتارمدکجه سزک ایچون ایکی جهانده راحت یوقدر دیه ندا ایدوب طورورکن نصل اولورده بزحالا بویان اولدیغمز غفلتدن اویانمورز ؟ ...

آخوری اولدی ؛ میلیونلرجه مسلمانانی تدریجاً محو ویریشان ایتدیلر ، رسماً و جبراً دیندن چیقاروب خرسیتیان یایدیلر . اوروپا دولترینک زیر اسارته کچن هانکی اسلام مملکتی وارکه اوراده یواش یواش اسلاملر تنصر ایتدیریلیور ؛ اوروپالیلر بر مملکتی استیلا ایدرکن حریت دینه ، حریت مذهبییه رعایت ایده جکلرینی سویلرلر ، فقط صوکره هیچ بریسه اهمیت بیله ویرمزلر ، چونکه اصل مقصد اسلامیتی محو ایتکدر .

اوقدر اوزاغه کیتمه کده لزوم یوقدر ، دها بزدن هنوز ایرلدقلری جهته موجودیتلرینه خاقمه چکیلمه مش اولان بلغارستان مسلمانلرینک حالته عطف نظر ایتکده بزم ایچون پک بیوک حقایقک تجلیسه خدمت ایده بیلیر ! وقتیه بلغارستانک پای تختی اولان « صوفیه » شهرنده ۳۵ جامع شریف ایله ۳۰ قدر مسجد اولدینی حالده صوکره زمانلرده انجق - اوده غایت خراب - بر جامع شیریدن بشقه هیچ برشی قالمامشدی . بونلردن بعضیلری کلیسایه تحویل ایدیلش ، بعضیلری ده میخانه ، تیاترو اولمشدر . بیچاره مسلمانلر نماز قیله جق بریر بیله بوله میورلر ، بولسه لریله سربست قیله میورلر ، اوک صفده نماز قیلارکن آرقه لرنده بلغارلر حورا تیورلر . اونلرله استهزا ایدیورلر . بونی کیدوب بالذات کوردیکم ایچون خلافه قطعاً احتمال ویرمیورم . اعلان حریدنبری بلغارستانده بولنان بدبخت مسلمانلر نه حالده بولنیورلر ؟

اوو حشی حیدود بلغارلر طقوز یاشنده اولوب هنوز سن بلوغه واصل اولمه مش اولان قیزلرک بیله ناموسنه تعرض ایتمیورلرمی ؟ مخدرات اسلامیة نك جوهر ناموسنی پایمال ایتدیلمی ؟ « اسلام قادینلرینک کنجلی قوجاغه ، اختیارلری اوجاغه » دیه شرقلر سویلیورلرمی ؟ مقدس جامعلرمنک بعضیلری هدم و تخرب ، بعضیلری ده کلیسایه تحویل ایدیلرک قبه لرینک اوزرینه چاکلر آصیله میورمی ؟ بونلر هر کون کوزمنک اوکنده کی شیلر اولدینی حالده مقصد اسلامیتی محو ایتک دکدر ، دیه کندمزی نصل تسلی ایدرز ؟ هر کون غزته لر بار بار باغریورلر ، مسلمانلق اورتدن قالمالیدر ، دیه فریاد ایدیورلر . بن مثال اولق اوزره بونلردن بردانه نی بوراده قارئین کرامه عرض ایتک ایستیورم : روسیه حکومتک پای تختی اولان پترسبورغده چیقان نیم رسمی « نومیه ورمیا » غزته سنک ۱۶ ایلول سنه ۳۲۷ تاریخی نسخه سنده « یودا پشته » دن شویله بر تلغراف واردی :

« بوندن صکره اسلامیتی مدافعه ایتک پک فضله در . او « اسلامیت » اورتلقدن قالمه لی ، مدنیت نقطه نظرندن اسلامیتک بقاسی دکر سزدر . زیرا اسلامیت مدنیتک دشمنیدر . مسلمان پادشاهلغی آرتق سقوط ایتلی (محو اولملی) زیرا بونلردن هیچ برنده داللاً پادشاهلق دنیله جک برشیلر یوقدر! »

ای اهل قبله !

اوروپالیلرک هر درلو افعال و حرکاتی بزم قارشى نصل بر فکر بسله دکلرینی آشکار بر صورتده کوستردیکی ایچون بوکا دائر فضله سوزه لزوم کورمیورم ؛ بناء علیه بزحالا بویان اولدیغمز غفلتدن اویانمورم

ای عثمانی اردوسی !

بوکون قوصوه صحراسنده دشمنك سونكولری ، بیس ملوث چیزمه لرینك پای تحقیری آلتنده بولنان ؛ دینك ، وطنك سلامتی ایچون دشمن ایله مردانه چاریشیرکن شهید اوله رق برحیات جاویده نائل اولان عثمانیلرک بیوک پادشاهی خداوندکارسلطان مرادخان حضرتلرینی دوشونوك ! وقتيله اناتولی یی زیر اداره سنه آلدقندن صکره روم ایلی یه کچمک اورانك ده فتحنه مباشرت ایدن مشهور « سازلی دره » محاربه - سندن صکره « ادرنه » یی فتح ایدوب آنی ایکنجی پای تحت اعلان ایدن بوجسور عثمانی پادشاهی بزم اجدادمزدن دکلی ؟ بزلده او بیوک اجدادلرمزك احفادی دکلی یز ؟

دنیلری حیرتله ایچنده براقان ، قیصرلری تیرتیر تتره دن ، روم ایلی فتوحات مدهشه سنی یاپان او بیوک پادشاهمز بوکون دشمن عسکرلرینك سونكولری آره سنده ، ملوث چیزمه لری آلتنده آه واین ایدیور ، بزدن امداد طلب ایدیور ؛ « ای بنم احفادلرم قوشون ، بنی بونلرک التندن قورتارک » دیه فریاد و فغان ایدیور . کوزلرینی دیکمش ، بونی بوکمشده یالواریور .

ای معظم عثمانی اردوسی ، ای عثمانیلر !

بو قدر فتوحات ایله دنیلری یرندن اوینادان بو محترم پادشاهك ، « ملوش قاپیلویچ » نامنده بر صربلی طرفندن قوصوه صحراسنده شهید ایدیلن بویوک اجدادمزك بوکون دشمنلر ایچنده بولنسنه فصل راضی ارلویورز ؟ اکر بزاونلرک خیرالحلفی اولدیغمیزی بالفعل اثبات ایده مز ، او محترم شهیدك تربته مقدسه سنی خائن ، نامرد ، جانوار دشمنلرمزك التندن قورتاره مزسه قاونلرک احفادی اولدیغمیزی فصل ادا ایده بیله جکمز ؟ روز جزاده اونلرک حضورینه هانکی یوز ایله واره بیله جکمز ؟ فاتحلرک سلیملرک ، مرادلرک ، بیلدیرملرک ،... روحلرینی شادایتمک ایسترسه ک بومقدس وطنی مردار آیاقلریله کیرلتمک ایسته یین آلچق دشمنلره حدینی بیلدیرملیز ؟ اکر بزدنیالره میدان او قویان ویانه قاپولرینه قدر کیدوب دایانان اجدادمزك احفادی ایسه ک یابرفرد قالمینجه یه قدر بو مقدس طوپراقدن آلچق دشمنلری سوروب چیقارملیز ، یاخود بر مسلمان قالمینجه یه قدر بو اوغورده شهید اولمه لی زده نامرد دشمنك وطنمیزی چیکنه دیکنی باری کوزلرمز کورمسون . بلکه اوزمان اجدادمزك حضورنده سوز سولیکه برآز حق قزانمش اولورز . ایشته بزده سزك کبی بو وطنی مدافعه ایدرکن شهید اولدق دیمکه حق قزانیر ، صوکرده حضور الهیده اولنجه یه قدر وطنی مدافعه ایدنلره جناب حق ویره جکنی وعد ایتش اولدینی نعمتلی طلب ایتکه یوزمز اولور . یوق اکر کوز کوره کوره بو وطنی دشمنلره چیکنه تیرسه ک دنیا ده اک سفیل بر مخلوق صیراسنه کچه جکمز کبی آخرتده الهک اک بیوک عذابنه معروض قاله جغز .

هم نه حاجت اولومدن اولومه فرق یوقیدر ؟ وطنی مدافعه

اوغورنده شانلی برأولوم ایله اولمک پک چوق حیاته غبطه فرما اولدیغنی بیلیمورمی یز ؟ بنساء علیه بو قدر مقدس ، بو درجه معزز اولان مملکتتمیزی محافظه اوغورنده بتون مالمزی ، جانمزی فدا ایتک بزم ایچون ثروت صاحبی اولوبده مسکینانه ، ذلیلانه یشامقدن ده خیرلیدر . کوزمزك اوکنده بو قدر مخدرات اسلامیه نك ناموس عصمتی لکه دار ایدلکدن ، یوزلرجه جامعلر کلیسا اولدقندن ، میلیونلرجه مسلمانلر جبراً خرستیان ایدلکدن صوکره یشامق « واللہ العظیم باللہ الکریم » بزم ایچون ذلدر ، بوضورتله یشامقدن طوپراق آلتنه کیرمک بیک قات خیرلیدر .

ای اردوی اسلام !

سزبوکون بالفعل میدان حربده دشمنك قارشیدنده صف باغلامش اودشمن بدنام طرفندن دین اسلامه ، حضرت قرآنه ، وطن مقدسه طوغری وزان ایدوب کله جک اولان قیغلم آتشلرینه وجودلریکیزی سپر ایدیورسکمز ؛ اوله ایسه باقکمز ! محافظه سی ایچون جان ویردیکنیز حضرت قرآن سزلره قارشى نه دیور . « یا ایها الذین آمنوا اذا لایتم الذین کفروا زحفاً فلاتولهم الادبار . ومن یولهم یومئذ دبره لایمتحرفا لقتال او متحیزاً الى فئة فقد باء بغضب من الله وما یوه جهنم وبئس المصیر » ای مؤمنلر ! دین ، وطن دشمنلریکیزله فی سبیل الله مجاهده ایدرکن محاربه میدانلرنده قارشیلشدیغکمز ، صفلری ترتیب ایدرک دشمنله اوغراشمغه باغلادیغکمز وقت صاقین اعدا کزه آرقه چویروبده قاجیکمز ! هرکیم محاربه میدانندن فرار ایدرسه غضب الهی به مستحق اولور ؛ جناب حق دنیاده اوکیملری رزیل ورسوای ایلدیکی کبی ، آخرتده عاصیلر ، جانیلر ، ایچون حاضرلامش اولدینی جهنم اتشلی ایچنده یاقار .

بو آیت کریمه کوستریورکه میدان محاربه ده دشمندن قورقه رق آرقه ده دونوب قاجق اک بیوک کنه ، پک عظیم برجایتدر . ایشته بونک ایچوندرکه : حضرت پیغمبر (صام) بر حدیث شریفنده « اجتنبوا الکبائر السبع الشریک بالله و قتل النفس والفرار من الزحف » بیورمش و بنساء علیه انسانی حربده فرار ایتنه بی الله کفر ، بلا سبب انسان اولدیرمکه برابر تعداد ایدرک اکبر کبائر دن صایمشدیر . شو حالده میدان محاربه دن فرار ایدنلرک جزاسی جناب حق برلکنی انکار درجه سنده شدیددر .

ای اردوی اسلام ، ای « دین » ک ، وطنك مدافعه سی ایچون محاربه یه قوشان شانلی عسکر !

سز بیلکیزکه : محاربه ده دشمنه قارشى آرقه چویروب فرار ایتک دین اسلامی ، حضرت قرآنی آیاقلر آلتنه آلوب پارچه پارچه ایتک دیمکدر ؛ چونکه برنفرک محاربه دن قاجه سی مملکتک - معاذ الله - دشمن آله کیرمه سنه سبب اولور .

باقکمز ، حضرت قرآن نه دیور : « الم تر الى الذین خرجوا من دیارهم وهم أئوف حذر الموت فقال لهم الله موتوا ثم احیاهم ، ان الله

لذو فضل علی الناس ولكن اکثر الناس لا يشکرون . وقاتلوا فی سبیل الله واعلموا ان الله سمیع علیم = حییم ، بیلیمور میسک او کیسه لک حالی ، که صایبیری بیکره بالغ اولدیغی حالده - مملکتلرینه تجاوز ایدن دشمنک هجومیه کلسی محتمل اولان - تولومدن قورقدقلری ایچون مملکتلرینی براقوب قاجدیلرده الله اولنری ینه اولدوردی ، صوکراده تکرار دیرلندی ؛ شوراسی ده محققدرکه : انسانلرک هپسنه اللهک احسانی پک چوقدر ، لکن انسانلرک چوقلری بونعمتک قدرینی بیلملر ؛ برده سز ، الله ، دین ، وطن اوغورنده دشمنلریکزه مردانه بر صورتده چارپشک ، محاربه ایدک ! هم آبی بیلکیزکه : الله هم ایشدیر ، هم بیلیر .

ای اردوی اسلام !

الله عشقنه ، دین ، وطن حرمتنه بوکونکی کونده هپکیزک کوزلری بو آیت کریمه نیک ، بوقانون الهینک معنای شریفنه منعطف اولسون ! اللهک بولا یتغیر قانونی صراحت قطعیه ایله کوستریورکه : دین ، وطن دشمنلری ایله محاربه ایدرکن دشمنک هجوم ایتسیله کلهجک اولومدن قورقه رق دشمندن پک چوق افراده مالک اولان برملت ، براردو تام معناسیله اظهار شجاعت ایتیز ، دشمنه مقاومت ایتیه رک حیات شخصیه لرینی اولومه ترجیح ایدرلر ، دشمنک قورشونیه اولمه مک ایچون مملکتی ترک ایدوب دشمندن فرار ایدرلر سه الله اوماتی ، واردوی دشمنه تربیه ایتدیرر : دشمن جسارته کله رک وار قوتیه فراریلرک اوزرینه هجوم ایلر ، اولنری تعقیب وتنکیل ایدر ، بعضیلرینی اولدیرر ، بعضیلرینی ده اسیر آلیر ؛ بوصورتله - دشمن - محاربه ده غالب موقعنده قالیر ، قاجهلری سببیه مغلوب اولانلرک استقلال میلیرینی محوایدر ، اولنری هر صورتله کندیسنه اطاعته مجبور قیلار ، ربه اسارتنه کچیرر . بریکیلر - قاجانلر - ده پک اوزون بر زمان بو اسارت ، بو ذلت ، بو مسکنت وادیلرنده یوارلنوب محو وپریشان اولورلر ؛ قاجدقلری اولومدن دها بدتر بر مصیبتنه ، بر فلاکت عظمایه دوچار اولورلر ، عقللری باشلرینه کلوبده - اگر اوزمانه قدر دشمن موجودیتلرینه نهایت ویرمرسه - استقلال میلیرینی اعاده ایدنجهیه قدر بو فلاکتدن قورثوله مازلر...

بناء علیه میدان محاربه دن فرار ایدوبده دشمنک جسارتی آرتیرانلر - کرک ضابط ، کرک نفر - مملکتی اعدای دین ووطنه تسلیم ایدنلر ، دنیاده الک مدھش بر اولومله اوله جکلری کبی ، حضور رب العالمینده بو عمللرندن طولانی رذیل ورسوای اوله رق الک بیوک جزایه چارپیه جقلردر ؛ بونده شبهه ایتک وحدانیت الهیه ده ترده دوشمک قدر عظیم بر جنایتدرکه : بوکا مسلمان اولان هیچ بر فرد تحمل ایده مز . هم نه حاجت ! انسان قاجقله اولومدن قورتوله بیلیرمی ؟ وقت کلنجه نرده اولسه ق ینه بزى بولور . « قل ان الموت الذی تفرون منه فانه ملائیککم ... انما تکنونوا یدرککم الموت ولو کنتم فی بروج مشیده ... »

ای محترم ضابطان عثمانیه !

سزده محاربه ده دشمنلر مزه غلبه ایتک ایچون عثمانی ضابطاننه

مخصوص بر فضائل اخلاقیه ایله افراد عسکریه نیک حسن ظنی قازانک ؛ صاین ! سزدن ذره قدر سوء ظنی موجب افعال وحرکات صادر اولماسین ، چونکه بیوکلردن صدور ایدن الک اوافق بر قصور غایت بیوک کوزو کیر ، بناء علیه وطنک ، دینک ، قورتولمه سی اول الله ، صوکراده درایت و فطانتکزه ، سزک - ونیکولریکزه ، توفیکلریکزدن چیناجق قورشونه باقدیغی بودقیقه ده افراد عسکریه نیک سوء ظنی موجب اوله جق ذره قدر دینی بر قصورده بولمه مکز لازمدر ؛ که « البادی اظلم » سرینه مظهر اولمایه سکز !

ای شانی عثمانی عسکرلری !

سزکده وظیفه کز ضابطانکیزک ، باشکیزده بولنان آمرلریکیزک هر صورتله امرینه انقیاد ایتمکدر . باقیکیز ! قرآن سزلره نه امر ایدیور : « اطیعوا الله واطیعوا الرسول واولی الامر منکم ... » الله ، پیغمبره ، آمرلریکیزه ، ضابطلریکیزه ... اطاعت ایدک ! اگر سز اللهک جنتلرینه صاحب اولق ایسترسه کز بهمه حال ضابطانکیزه اطاعت ایدک ! اول دیدکلری یرده اولک . اگر بویله یامازسه کز الله سزی دنیاده رذیل ورسوای ایتدیکی کبی ، یوم قیامتده جهنم آتشلرله یاقار ، خسر الدنیا والاخره اولور - سکز .

ای اردوی اسلام !

اگر سز اعلاى کلمه الله ، محافظه وطن ایچون محاربه یه کیردیگکیز وقت قرآن کریمک اوامر قطعیه سنندن انحراف ایتیز ، دشمنه آرقه جویرمیه رک مجاهده کزده عزم وثبات ایدرسه کز امین اولیکیز که سزک بر نفر کز دشمنک اون نفرینه بدل اولور . بوصورتله دشمن نه قدر چوق اولور سه اولسون سزه مغلوب اوله رق قاجه جقدر . ایشته قطعیتده شبهه من اولمیان قانون الهی بویله دیور : « یا ایها النبی حرض المؤمنین علی القتال ، ان یکن منکم عشرون صابرون یغلبوا مأتین ، وان یکن منکم مائة یغلبوا الفاً من الذین کفروا بانهم قوم لافقهون - یا ایها الذین آمنوا اذالقیم فئه فائبتوا واذکروا الله کثیراً لعلکم تفلحون . »

آقسه کیلی

احمد حمدی

نشرة

« ارسلنا الجمعیة الهلال الاحمر العثمانی تستنھض بها حمیة حجاج بیت الله الحرام ، ونحن نستنھض بها حمیة كافة اهل الوجود والایمان ،

بسم الله الرحمن الرحیم

« وتعاونوا علی البر والتقوی » ، « ان تنصروا الله ینصرکم ویثبت اقدامکم ، یا حجاج بیت الله الحرام وزوار سید الانام نحمد الله الذی هدانا بالدين وجعل العز بجهاد اهل الحرب الباغین